

AKASHVANI(AIR)
RNU:KOLKATA
BengaliText Bulletin

Date 05-12-2025

Time: 7.50 P.M.

বিশেষ বিশেষ খবরঃ-

১) সম্পূর্ণ স্বচ্ছ ও ত্রুটিহীন ভোটার তালিকা তৈরির স্বার্থে, নির্বাচন কমিশন এস আই আর প্রক্রিয়ার সময়সীমা আরও বাড়াতে পারে ।

রাজ্যে এস আই আর প্রক্রিয়া চলাকালীন যেসমস্ত বিএলও-র মৃত্যু হয়েছে তাদের ক্ষতিপূরণ দেওয়ার কথা বিবেচনা করছে নির্বাচন কমিশন ।

২) মূর্শিদাবাদের বেলডাঙায় প্রস্তাবিত বাবরি মসজিদের শিলান্যাসকে কেন্দ্র করে কোনরকম অপ্রীতিকর ঘটনা রোধে সবরকম ব্যবস্থা নিতে রাজ্যকে নির্দেশ কলকাতা হাইকোর্টের ।

৩) সুপ্রিম কোর্টের নির্দেশ মেনে অবশেষে আজ মালদা সীমান্ত হয়ে দেশে ফিরেছেন বীরভূমের বাসিন্দা সোনালী বিবি ।

৪) কেন্দ্রীয় সরকারের নির্দেশ মতো উম্মিদ পোর্টালে ওয়াকফ সম্পত্তি সংক্রান্ত তথ্য নথিভুক্ত করার আজ শেষ দিন হলেও আগামী তিন মাস কোন জরিমানা ছাড়াই তাতে তথ্য আপলোড করা যাবে ।

৫) কলকাতায় এবার ৫ লক্ষ কণ্ঠে গীতা পাঠের আয়োজন করা হচ্ছে ।

○○○○○○○○○○○○○○○○○○○○○○○○○○○○○○

পশ্চিমবঙ্গের তরফে এই বৈঠকে মুখ্য নির্বাচনী আধিকারিক মনোজ কুমার আগরওয়াল, ছাড়াও অতিরিক্ত মুখ্য নির্বাচনী আধিকারিক দিব্যেন্দু দাস ও অরিন্দম নিয়োগী এবং উপ মুখ্য নির্বাচনী আধিকারিক সমন্ত রায়ও উপস্থিত ছিলেন।

বৈঠকের মূল উদ্দেশ্য ছিল—চলতি বিশেষ নিবিড় সংশোধন পর্বে মৃত ভোটদাতাদের শনাক্তকরণের কাজ কতটা এগিয়েছে এবং এখনও কোথায় কোথায় গরমিল রয়েছে, তা খতিয়ে দেখা।

অন্যদিকে, মুখ্য নির্বাচনী আধিকারিকের দফতর সূত্রে জানা গেছে, এস আই আর-এর কাজ কতটা এগোল তা খতিয়ে দেখতে বুথ লেভেল আধিকারিক বিএলও-রা ১১-ই ডিসেম্বরের মধ্যে প্রতিটি বুথে বৈঠক ডাকবেন। ওই বৈঠকে বুথ লেভেল এজেন্টদের উপস্থিতি বাধ্যতামূলক। বৈঠককে গৃহীত বিভিন্ন সিদ্ধান্ত DEO ওয়েবসাইটে আপলোড করতেও বলা হয়েছে।

এনুমারেশনের পর প্রতিটি বুথে ভোটদাতার সংখ্যা কত দাঁড়ালো, কতগুলি ফর্ম ফেরত এসেছে, কতজন ভোটদাতার নাম খসড়া তালিকায় অন্তর্ভুক্ত হয়নি, এই সমস্ত বিষয় বৈঠকে খতিয়ে দেখা হবে।

উল্লেখ্য, ভোটার তালিকায় বিশেষ নীবিড় সংশোধন কর্মসূচী এস আই আর-এর দ্বিতীয় পর্ব চালু হওয়ার পর পশ্চিমবঙ্গে চৌঠা ডিসেম্বর পর্যন্ত ৯৯ দশমিক নয় পাঁচ শতাংশ এনুমারেশন ফর্ম বিলি করা হয়েছে। এর মধ্যে ৯৮ দশমিক আট চার শতাংশ ফর্ম-ই ডিজিটাইজ করা হয়েছে বলে মুখ্য নির্বাচনী আধিকারিকের দফতর সূত্রে জানা গেছে।

○○○○○○○○○○○○○○○○○○○○○○○○○○○○○○

রাজ্যে এস আই আর প্রক্রিয়া চলাকালীন যে সমস্ত BLO-র মৃত্যু হয়েছে, তাঁদের ক্ষতিপূরণ দেওয়ার কথা বিবেচনা করছে নির্বাচন কমিশন। তাদের ময়নাতদন্তের রিপোর্ট পাওয়ার পর বিষয়টি খতিয়ে দেখে ক্ষতিপূরণের প্রক্রিয়া শুরু করা হতে পারে বলে নির্বাচন কমিশন সূত্রে জানা গেছে।

এদিকে রাজ্যে বিএলওদের বকেয়া পারিশ্রমিক, আগামী সপ্তাহেই আংশিক ভাবে মিটিয়ে দেওয়া হবে বলে জানা গেছে।

○○

উল্লেখ করা যেতে পারে আজ এই সংক্রান্ত মামলায় কলকাতা হাইকোর্টের ভারপ্রাপ্ত প্রধান বিচারপতি সুজয় পাল ও বিচারপতি পার্থ সারথী সেনের ডিভিশন

নির্গুণানন্দ ব্রহ্মচারী জানিয়েছেন, ,এবছর গীতার ৫হাজার ১২৬তম জন্মজয়ন্তী। অনুষ্ঠানে প্রবেশের জন্য ২৫টি প্রবেশ পথ থাকবে এবং এবছর প্রবেশ অবাধ অনুষ্ঠানে অংশগ্রহণের জন্য কোন নাম নথিভুক্তকরনের প্রয়োজন হবে না।

oooooooooooooooooooooooooooo

নানা অনুষ্ঠানের মধ্য দিয়ে আজ ঋষি অরবিন্দের ৭৬ তম প্রয়াণ দিবসে তাকে শ্রদ্ধার সঙ্গে স্মরণ করা হচ্ছে। দেশকে ব্রিটিশ ঔপনিবেশিক শাসনের হাত থেকে মুক্ত করতে স্বাধীনতা আন্দোলনে যোগ দিয়েছিলেন অরবিন্দ ঘোষ।

মুখ্যমন্ত্রী মমতা ব্যানার্জী আজ ঋষি অরবিন্দের প্রতি শ্রদ্ধা নিবেদন করেছেন। সমাজমাধ্যমের এক বার্তায় তিনি অরবিন্দকে এক অবিস্মরণীয় জ্যোতিষ্ক বলে উল্লেখ করেছেন। প্রদেশ কংগ্রেসের পক্ষ থেকে ঋষি অরবিন্দের প্রতি গভীর শ্রদ্ধা নিবেদন করা হয়।

oooooooooooooooooooooooooooo

বিজেপি যাদবপুর বিশ্ববিদ্যালয়ের উপাচার্য ও ইংরেজির অধ্যাপকের কথোপকথনের প্রেক্ষিতে অবিলম্বে শিক্ষামন্ত্রীর পদত্যাগ চেয়েছে। সাংবাদিক বৈঠকে দলের স্টেট এক্সিকিউটিভ কমিটির সদস্য শঙ্কুদেব পাণ্ডা জানিয়েছেন, রাজ্যে শিক্ষা মন্ত্রীর পরিবর্তন হলেও দুর্নীতির কোন পরিবর্তন হয়নি। এই ঘটনার পরেও ব্রাত্য বসু পদত্যাগ কেন করছেন না, এখনো শিক্ষা মন্ত্রীর পদে কেন রয়েছেন, যাদবপুরের উপাচার্যকে কেন সরানো হচ্ছে না এবং তার বিরুদ্ধে শৃঙ্খলাভঙ্গের অভিযোগে কেন ব্যবস্থা নেওয়া হচ্ছে না এবং

রেজিস্টার পদে সেলিম বক্স নামের শাসকদলের নেতাকে কেন আনা হচ্ছে শ্রীপাণ্ডা সে বিষয়ে প্রশ্ন তোলেন।

বিষয়টি নিয়ে বিশ্ববিদ্যালয়ের আচার্য তথা রাজ্যপালের কাছে অভিযোগ জানানো হবে।

oooooooooooooooooooooooooooo

দক্ষিণবঙ্গের জেলাগুলিতে তাপমাত্রা নিম্নমুখী। কলকাতায় আজ সর্বনিম্ন তাপমাত্রা স্বাভাবিকের ওপরে থাকলেও উত্তরে হাওয়ায় ভর করে দক্ষিণবঙ্গের প্রায় সব জেলাতেই আজ নূন্যতম তাপমাত্রা ছিল স্বাভাবিকের থেকে কম।

দক্ষিণবঙ্গে সবথেকে কম তাপমাত্রা রেকর্ড করা হয় শ্রীনিকেতনে - ১০ দশমিক ৫ ডিগ্রি , স্বাভাবিকের থেকে যা প্রায় সাড়ে তিন ডিগ্রি কম।

উত্তরবঙ্গে সর্বনিম্ন তাপমাত্রা রেকর্ড করা হয় আলিপুরদুয়ারে - ১২ ডিগ্রি সেলসিয়াস। দার্জিলিং পাহাড়ি এলাকায় আজ সর্বনিম্ন তাপমাত্রা ছিল চার দশমিক ৫ ডিগ্রি সেলসিয়াস।

উত্তরবঙ্গে আগামী এক সপ্তাহে তাপমাত্রার বিশেষ হেরফের না হলেও দক্ষিণবঙ্গের জেলাগুলিতে আগামী দুই দিনে তাপমাত্রা আরও ২ ডিগ্রি পর্যন্ত কমতে পারে বলে আলিপুর আবহাওয়া দপ্তর জানিয়েছে।

oooooooooooooooooooooooooooo

oooooooooooooooooooooooooooo